

NOvum scribendi genus suscipio.
Dum enim ad Academiam tendunt duo Juvenes,
ac Valedicendi suum officium
meâ Præscriptione commendari postulant;
non Fautorem, sed Adversarium me inveniunt.
Accuso, qvi debebam adsistere:
Improbo, qvi alios probaturos debebam invitare.
Nam cur dissimulem?

In pudoris me certamen adduxerunt,
ut, qvi reliqvis viam scribendi præire jussus sum,
qvid scribi possit, non videam.
Et eo me deprehendunt in resistendo debiliorem,
qvo certiorem allegant pietatem.

Uno verbo,
Invitandi Formulam exigunt,
postqvam ipsi
BEAT. MEUM PARENTEM
Publica PARENTATIONIS memoriâ
celebrare constituerunt.

An igitur, quod ab extraneis decenter fieret,
ego faciam in causa domesticâ?

An, siqvid à Viro solertissimo præstitum est,
alii defunt debuccinatores,
qvi filium à verecundo hoc opere absolvant?

Sanè qvid ipse debeam **ELIÆ**,
sic profiteor,
ut ne has qvidem lineolas essem exaraturus,
si abfuisset prævia manuducantis industria.

Interim qvi jam scriptus sum hæres,
propriam velut sector laudem,
si celebrari cupiam priorem hæreditatis
Possefforem.

Ait